



EDITORIAL

Labanan ti nasaknap a pasista a terorismo ken Memo Order ti rehimen a US-Duterte

Pormal nga inpaunegen ti rehimen a US-Duterte iti militarisasyon ken turay militar ti kadakkelan a paset ti pagilian idi inruar na daytoy ti Memorandum Order (MO) 32. Babaen ditoy, direkta a nangipakat ni Rodrigo Duterte kadagiti batalyon idiyay Eastern Visayas, Isla ti Negros ken Bicol tapno sebseban kano ti “kinaranggas ken terorismo” kadagiti nasao a rehiyon.

Iti aktwal, idandanon ti MO 32 ti linteg militar iti uppat pay a rehiyon bayat a pinaatiddog iti maikatlo a gundaway ti naipataw idiyay Mindanao inggana iti intero a 2019. Ababa laengen a panawen ken basit a rason ti kasapulan tapno naparang ken pormal nga ipaunegen ni Duterte iti awanan keddeng a turay militar dagiti nabatbati pay a rehiyon. Iti aktwal, magmagnan iti inte-

ro a pagilian ti panagturay ti teror ti rehimen.

Bayat nga ad-adda a pair-irte- ngen ti militarisasyon ken dagiti opensiba militar laban iti Bagong Hukbong Bayan (BHB), ti sigida a pokus ti MO 32 ket ti lalo pay a panangpairut ti kontrol ken panangmanipula ti AFP ken pulis iti eleksyon inton Mayo 2019 kadagitoy a

“MO32...,” kitaen iti panid 2

4 nga armas, nasamsam ti BHB-NEMR

NASAMSAM TI BAGONG Hukbong Bayan-Northeastern Mindanao Region (BHB-NEMR) ti uppat a nangato ti kalibre nga armas (dua nga M16, maysa nga M14 ken maysa nga R4) kalpasan ti panagambus da kadagiti elemento ti CAFGU idiyay Barangay San Antonio, ili ti Remedios T. Romualdez, Agusan del Norte idi Nobyembre 29, alas-5 ti agsapa. Uppat ti natay iti benneg ti kabusor, karaman ti sarhento a nangidaulo kaniada, ken dua ti nasugatan. Maysa nga elemento ti CAFGU ti tiniliw ken adda iti kustodiya dagiti Nalabaga a mannakigubat iti agdama.

Idiyay Misamis Oriental, nakarinnupak dagiti Nalabaga a mannakigubat idiyay Sityo

“NEMR...,” kitaen iti panid 4

lugar. Inyakar-akar ni Duterte ti AFP ken inpuesto dagiti mapagtalkan nga opisyal tapno siguraduen ti panangipangabak kadagiti kandidato a pabor kaniana ken iti bungoy na iti militar. Panggep ti bungoy a Duterte a monopolisaen ti eleksyon, kakumplot dagiti kaalyado a warlord ken dinastiya kadagiti rehiyon ken probinsya. Paypaypayan na ti pasista a panangipapati ti AFP ken PNP ken parparimbawen ti awanan lapped a panagturay ti ranggas ti estado tapno paulimeken ti umili babaen iti buteng, paralisaen dagiti sumupsuppiat, ken brutal a lipiten ti amin a lumablabaen.

Naan-anay nga iparparang ni Duterte ti kagagalad kas napeklan a pasista, aso-aso, reaksyunaryo, ken naagum iti bileg ken kurakot. Nasaknap ken naparang nga iyar-aramid nan ti ekstra-hudisyal a panangpapatay, panagabusos iti turay, panangisaknap ti kinaulbod ken narugit a kinaluko. Rumbeng laeng a guraen, naan-anay nga isina ken ingget-kabaelan a labanan ti amin a rebolusyonaryo, progresibo ken de-

mokratiko a puersa isuna.

Ti awan sarday a militarisasyon ken pasista a terorismo ti rehimen a US-Duterte ket rumbeng a natibker a sungbatan babaen iti ad-adda a panagpalawa ken panangpaiteng iti gubat ti umili. Ti nangrangas a panangikus-pil kadagiti demokratiko a karbengan ket mangiduron iti mas nalawlawna nga intar ti umili iti armado a pannakilaban. Numampay kasapulan ti agtultuloy a panangirupir ken panangsalaknib dagiti demokratiko a sektor ken puersa kadagiti demokratiko a karbengan ken panagtignay laban iti pasista a panangbutbuteng ken pananglipit. Lagipen ken pangiggeman dagiti adal iti atiddog a pannakidangadang laban iti pasista a diktadura a US-Marcos.

Agpursigi iti natured, kalawaan ken pangsapasap a panangiyabante iti armado a pannakidangadang, ligal a demokratiko a tignayan, limed

a tignayan, panagbukel ti kalawaan a nagkaykaysa a prente nga anti-pasista, antipyudal ken anti-imperyalista, panangpapgisa ti Partido iti ideolohiya, pulitika ken organisasyon, ken panangala iti narua a suporta manipud iti kakailian ken dagiti progresibo ken demokratiko nga organisasyon ken puersa iti ballasiw-taaw.

Masapul nga ingget-kabaelan nga iyabante ken paitengen ti Partido ti gerilya a pannakigubat. Natured nga irussuat dagiti basaran a taktikal nga opensiba. Irussuat dagiti anihilatibo nga operasyon iti amin a tukad ken larangan ti hukbo, kagiddan ti panagpalawa kadagiti atritibo nga aksyon babaen iti nasaknap a panangpatignay iti milisyang bayan ken masa ken nasaknap a panangaramat kadagiti pasabog ken dadduma pay nga armas.

Buklen ken papigsaen dagiti platun ken kumpanya ti BHB a mangdait kadagiti larangan gerilya. Papigsaen ti kumand iti ken koordinasyon dagiti yunit gerilya ken pangiggeman ti inisyatiba iti militar ken pulitika. Nairut a subaybayan ti garaw ti kabusor ken tuduen ti rebbengen ti nadumaduma nga erya ken yunit iti panaglaban ken panagtitinnulong. Pursigido nga ipangato ti kaammoan ken kabaelan a pangmilitar dagiti kumander ken Nalabaga a mannakigubat babaen kadagiti edukasyon, panagsanay, ehersisyo, panagtasa, panaglagom ken dagiti pulitiko-militar a kumperensya iti nadumaduma a tukad.

Ikkann ti prayoridad dagiti aksyon militar kas iti panangbira kadagiti napeklan a pasista nga opisyal ken yunit, dagiti gamrud a dadakkel a korporasyon ken dagiti mangipapaay ti nakaro a kinarigat ken dangran iti dakkel a bilang ti umili. Lalo a kasapulan daytoy iti sango ti pangta ni Duterte nga usaren dagiti death squad laban



ANG Bayan

Tawen XLIX No. 23 | Disyembre 7, 2018

Ti *Ang Bayan* ket maipabpablaak iti Pilipino, Bisaya, Iloko, Hiligaynon, Waray ken Ingles. Umawat ti *Ang Bayan* kadagiti kontribusyon iti porma dagiti artikulo ken damdamag. Awisen mi dagiti agbasbasa nga agipatulod kadagiti dilaw ken rekomendasyon para idudur-as ti dyaryo tayo.

 [instagram.com/sine.proletaryo](https://www.instagram.com/sine.proletaryo)

 [@prwc_info](https://twitter.com/prwc_info)

 [fb.com/groups/prwcnewsroom](https://www.facebook.com/groups/prwcnewsroom)

 cppinformationbureau@gmail.com

Linaon

Editorial: Labanan ti nasaknap a pasista a terorismo ken Memo Order ti rehimen a US-Duterte	1
4 nga armas, nasamsam ti BHB-NEMR	1
Agasawa a Casambre, ilegal a naarestar	4
CAFGU, pagbalbalinen a negosyo	4
Pakasariwaan ti Partido iti Ginamat	5
18, inarestar idiyay Talaingod	6
Aldaw ni Bonifacio, nirambakan	7
Dagiti mannalon ti BTL, nagkampuhan	7
Ranggas ken linteg militar idiyay Mindanao	8
Welga idiyay Liwayway, balligi	8
Lawas ti PLGA, nilagip	8
Kampuhan ti Sumifru idiyay Mendiola	8

Ti *Ang Bayan* ket ipabpablaak dua a beses tunggal bulan ti Komite Sentral ti Partido Komunista ng Pilipinas

kadagiti kabusor ken kritiko na. Rumbeng met nga isabotahe dagiti pasilidad a maus-usar kadagiti pasista nga opensiba iti kaaw-awayan ken pasista a pananglipit iti umili. Punto-por-punto a labanan dagiti panangdadael ken panangkillo ti AFP ken rehimen kasilpo kadagiti taktikal nga opensiba ken labanan.

Palawaen ken pairtengen ti tignayan ken dangadang nga antipyudal kas tulbek iti panangriing ken panangpatignay iti masa a mananlon ken mangmangged talon ken panangipatungpal kadagiti kangrunaan a rebbengen. Maibilang ditoy dagiti kampanya ken dangadang masa ken dagiti taktika ken trabaho nga alyansa laban kadagiti operasyon a “peace and development” ken dadduma pay a tipo ti pasista a terorismo ken panagabusor. Ibutaktak ken labanan ti kampanya a panagpasurender kadagiti sibilyan ken pilit a panangrekrut kadakuada iti reaksyunaryo nga hukbo. Ikkan ti atensyon ti nasaknap ken nakaro a korapsyon iti intar ti militar, manipud iti kangatoan a tukad inggana iti kababaan.

Talmegan dagiti nalatak a problema ti kadakkelan a bilang ti masa iti saklaw ken ti karirikna na. riiingen ken agtitipon a patignayen isuda tapno sangoen ken risuten dagitoy a problema. Ti panaglawa ken konsolidasyon ti organisasyon ti masa ken kasapulan nga agturong iti ad-adda a panaglawa ken panagpigsisa dagiti kampanya ken mobilisasyon ti masa. Paregtaen dagiti kampanya iti produksyon ken panangpadur-as iti pagbiagan tapno mapasayaat ti kasasaad ti masa ken masungbatan dagiti kasapulan ti hukbong bayan ken ti pannakidangadang.

Palawaen ken paregtaen ti kampanya ken mobilisasyon masa iti edukasyon ken propaganda tapno ingato ti pampulitika a kamulatan ken palaban a nakem ti masa nga anak ling-et. Pasaknapen ken paregtaen ti dadduma pay a kampanya a masa iti kultura, salun-at ken

dadduma pay tapno pagtalinaeden a sibibiag ti militansya, panagkaykaysa ken ti agtitipon a panagtignay da.

Palawaen ken pairtengen dagiti tignay protesta ken dadduma pay a dangadang masa laban iti ilegal a panangarestar ken dadduma pay a pasista a pananglipit kadagiti demokratiko a karbengan ken ligal a demokratiko nga organisasyon.

Palawaen ken pairtengen ti unyon ken pang-ekonomya a pannakidangadang dagiti mangmangged, nakurapay iti syudad ken ti nadumaduma a sektor para iti pagbiagan ken panggimong a serbisyo. Labanan dagiti neoliberal a patakaran a mangparparigat kadagiti anak ling-et ken nakaro a bumangir iti dadakkel a lokal ken gangannaet a negosyo. Ibutaktak ken labanan dagiti neoliberal a panangipagel, pananglipit ken panangpaidam kadagiti unyon ken karbengan a pang-union, kasta met iti dadduma pay nga indibidwal ken kolektibo a wayawaya kadagiti pabrika, opisina ken eskuela, para iti interes dagiti dadakkel a lokal ken gangannaet a korporasyon.

Rumbeng nga irupir ken ilaban dagiti ligal a progresibo nga organisasyon, partido ken alyansa ti ligalidad da. Masapul ti agtultuloy a panagpalawa ken panagpigsisa dagitoy bayat a nasaknap a pampamulatan ken patpatignayen dagiti tradisyunal ken di-tradisyunal nga organisasyon ken alyansa dagiti demokratiko a sektor.

Ibutaktak ken labanan ti plano ti pasista a bungoy ni Duterte a manipulaen ti eleksyon. Ti nalawa ken nadumaduma a tukad a panagkaykaysa ken panagtinnulong dagiti


partido ken kandidato ti sigurado a mangisina ken mangpaay kadagiti kandidato a napeklan a maka-Duterte ken kontra-rebolusyonaryo.

Nasaknap a patignayen ti amin a rebolusyonaryo ken progresibo a puersa ken masa iti kaaw-awayan ken syudad tapno aktibo a labanan dagiti kinaulbod, panangkillo ken kontra-rebolusyonaryo a saywar ti pasista a rehimen ken AFP.

Tuloy-tuloy nga ibutaktak ken kundenaren dagiti pasista a krimen ken panagabusor, ti kinagamrud ken pananggagam, ti pananggundaway ken panangparigat kadagiti anak ling-et, ti nasaknap a kinaruker ken korapsyon, ken dadduma pay a kinabulok ti rehimen ken agturturay a sistema. Naregget nga isaknap ken itandudo dagiti rebolusyonaryo a panawagan ken pannakidangadang.

Masapul a palawaen ken papigsisaen ti Partido iti amin a tukad. Natured nga iyabante ken pairtengen ti gerilya a pannakigubat ken dagiti dangadang nga antipasista, antipyudal ken anti-imperyalista laban iti pasista a rehimen nga US-Duterte. Agtultuloy a papigsisaen ti pampulitika ken pangmilitar a panangidaulo ti Partido iti naruaay a masa. Padur-asen ti kabaelan a mangiduron ken mangiyabante kadagiti nasaknap a kampanya ken pannakidangadang masa iti pulitika, ekonomya, militar, produksyon, edukasyon, salun-at, kultura ken dadduma pay.

Kasapulan a nasaknap nga ibutaktak, isina ken labanan ti pasista ken aso-aso a rehimen a Duterte iti ballasiw-taaw ken internasyunal a pampubliko nga opinion. Pursigido a palawaen ti panangriing, panagorganisa ken panangpatignay kadagiti migrante. Palawaen ti silpo ken pannakitinnulong kadagiti puersa a rebolusyonaryo ken progresibo idiay ballasiw-taaw.



Lakbangan, Barangay Minalwang iti ili ti Claveria dagiti agop-operasyon a tropa ti AFP idi Disyembre 6. Dua a soldado ti natay.

Idiay Negros Occidental, maysa a soldado ti natay idi pinaputokan ti BHB ti *patrol base* ti 15th IB idiay Sityo Bugtong Kahoy, Barangay Asia idiay ili ti Hinobaan idi Nobyembre 27, alas-8 ti agsapa. Nasugatan ni S/SGT. Ricky Ignacio, kumander ti nasao a detatsment. Ti operasyon ket sungbat ti BHB iti kiddaw dagiti residente a gibusanen ti militarisasyon ti AFP kadagiti lugar da. Segun iti BHB-Negros Occidental, adun ti ulat kasilpo iti panagkampo dagiti soldado kadagiti eskuelaan, *barangay hall*, palengke ken uray kadagiti balbalay iti komunidad.

Nangiruar met laeng ti 15th IB ti listaan dagiti residente a "mapasurender" ken nangiyulog ti *curfew*. Naiparit ti panagapan dagiti residente kadagiti talon da iti ruar ti baryo. Pinerdi met laeng dagiti mula, ramit pangtalon ken dagiti taraken nga animal.

Idiay Samar, uppat a nagsasaruno nga armado nga aksyon ti inrussuat ti BHB-Eastern Visayas idi Nobyembre 9-20. Inharas dagiti Nalabaga a mannakigubat dagiti tropa ti 14th IB a mapan iti Barangay Concepcion idiay Paranas idi Nobyembre 20. Sakbay daytoy, inatake ti BHB ti nakakampo a tropa ti 52nd IB ken CAA idiay Barangay Buenavista, San Jorge idi Nobyembre 18. Dua ti natay nga elemento ti CAFGU ken maysa ti nasugatan.

Idi Nobyembre 10, inharas ti maysa a yunit ti BHB dagiti agop-operasyon a tropa ti 14th IB idiay Barangay Salvacion, Can-avid, Eastern Samar bayat nga inharas met ti maysa pay a yunit dagiti tropa ti 63rd IB idiay Sityo Galutan, Barangay San Nicolas, San Jose de Buan idi Nobyembre 9. AB

Agasawa a Casambre, iligal a naarestar

ILIGAL NGA INARESTAR dagiti operatiba ti militar ken pulis ti agasawa a Rey Claro ken Corazon Casambre idiay Cavite idi tengnga ti rabii ti Disyembre 6. Ni Rey Casambre ket consultant ti National Democratic Front of the Philippines (NDFP). Ti panangarestar kaniana ket direkta a panaglabsing iti karbengan na iti uneg ti Joint Agreement on Safety and Immunity Guarantees iti baet ti GRP ken NDFP.

Tapno ikalintegang ti panagarestar, awanan bain a kinabilan dagiti operatiba ti PNP kadagiti paltog ken bomba ti lugan ti agasawa ken nangipila kadagiti nalawag a paraparbo a kaso a panangpatay idiay Davao Oriental. Maikauppat a consultant ti NDF ni Casambre nga iligal a tiniliw ken inbalud ti rehimen a US-Duterte.

Ti agsasaruno a panangarestar kadagiti consultant ti NDFP ket paset ti pasista a pananglipit ken saan a deklarado a linteg militar ti rehimen tapno ikuspil ken apputen dagiti demokratiko a grupo ken puersa ti oposisyon iti dakes a panggep a paulimeken ti umili a Pi-

lipino ken patulnogen da iti tiraniko a panagturay.

Ti panangarestar kenni Casambre, a maibilang kadagiti nainaganan a terorista ti rehimen iti kaso a proskripsyon laban iti PKP ken BHB a naisubmitar iti reaksyunaryo a korte, ket paset ti kampanya a pananglipit a naiyanurot iti National Internal Security Plan ni Duterte a mangpangpanggep a rebolusyonaryo nga armado a tignayan ken dagiti dangadang masa tapno maimanipula ti resulta ti eleksyon 2019 ken iduron ti plano a mangitakder ti maysa a pasista a dikta-dura.

Rekrutment ti CAFGU, pagbalbalinen a negosyo

US-USAREN TI AFP ti rekrutment ken tao ti CAFGU tapno pagganansyaan. Daytoy ti inbutaktak ti tagapagsarita ti BHB-Northeast Mindanao Region a ni Ariel Montero. Kuna na, adda ti nasurok 100 a detatsment ti CAFGU iti rehiyon iti agdama. Malaksid pay ditoy dagiti detatsment ti SCAA nga agserserbi a pribado a guardia dagiti kumpanya ti minas ken plantasyon. Addaan ti nasurok-kumurang a 40 nga elemento a CAFGU iti tunggal detatsment wenno 4,000 iti 10 a detatsment iti intero a rehiyon.

Iti papel, mapaspasueldo dagiti CAFGU ti P4,500 kada bulan tunggal maysa (P18 milyon/bulan.) Ngem ti pudno, saan a mait-ited kadakuada daytoy iti las-ud ti tallo inggana uppat a bulan tapno usaren dagiti opisyal kas kapital kadagiti negosyo ken pautang da. Kas pautang, matuonan daytoy ti interes a 5% inggana 20%. Iti kastoy, aggangansya dagiti opisyal militar iti rehiyon ti inggana P10.8 milyon kada kuarto. Tapno maaddaan dagiti elemento ti CAFGU ti kuarta, umut-utang dagiti pamilya da kadagiti "kooperatiba" nga intakder met laeng ti AFP wenno dagiti usurero a kakumplot da.

Inwaragawag met laeng ni Montero nga agpipinnaadu dagiti kumander ti 75th IB ken 36th IB kadagiti peke a surenderi gapu ta kamkamaten dagitoy ti promosyon tapno agbalin a kumander ti dibisyon. Iti panagkamkamakam da, us-usaren da kas ebidensya uray dagiti riple nga us-usaren dagiti mannalon para iti panaganup. Maibilbilang met laeng a surenderi ti masuspetsa a "sumpuporta" iti BHB ken dagiti pamilya da.

Ar-aramiden met laeng dagiti opisyal a paggatgatasan ti programa iti panagpasurender. Manmano, nu maawat man, dagiti "surenderi" ti naikari a P65,000 a pampinansyal nga ayuda kadakuada. AB

Naindaklan a pakasaritaan ti Partido iti Ginamat

50 *Daytoy nga artikulo ket kontribusyon dagiti kameng ti Partido iti rehiyon ti Ilocos-Cordillera iti serye ti Ang Bayan (AB) kasilpo kadagiti nalatak a kapadasan iti panagbukel kadagiti sangay ti Partido iti nadumaduma a tay-ak ti rebolusyonaryo a trabaho. Agpanpanawagan ti patnugutan ti AB iti dadduma pay a komite ti Partido a mangted ti kontribusyon iti daytoy a serye babaen iti panangipatulod kadagiti nalatak a kapadasan.*

Ti baryo Ginamat ket maysa a baryo idia y Cordillera nga adaan ti atiddog ken naindaklan a pakasaritaan ti panagtignay iti panangidaulo ti Partido Komunista ti Pilipinas. Nasurok sangagasut laeng ti balbalay ditoy ngem uray no bassit, daytoy ti maysa kadagiti nangidaulo ti panaglapan iti plano ti diktadura a US-Marcos nga itakder ti Chico Dam idi dekada 1970.

Tawen 1976 nga immuna a nagnagnay dagiti elemento ti Bagong Hukbong Bayan idia y lugar. Dagus a nangirussuat dagiti Nalabaga a mannakigubat iti panagadal ken naipangato ti panagsuppiat dagiti residente ti Chico Dam agturong iti anti-imperyalista a panaglapan. Idi pay laeng, naikeddeng a saklaw daytoy a proyekto dagiti munisipyo ti Tabuk, Lubuagan, Tanudan ken Tinglayan idia y Kalinga inggana kadagiti munisipyo ti Sadanga, Sabangan ken Bontoc idia y Mountain Province, ken manglemmes kadagiti komunidad a mangapektar iti nasurok 100,000 nga umili.

Maysa kadagiti umuna a kina-tungtong dagiti Nalabaga a mannakigubat ket dagiti pangat (tradisyunal a lider) ti tribu ken dagiti *peace-pact holder* tapno mabukel ti panagkaykaysa ti Hukbo ken umili mainaig iti panaglapan iti Chico Dam. Napardas ti panagrekruit kadagiti Nalabaga a mannakigubat iti intar dagiti tribu, kasta met ti panangpalawa ti impluwensya ti rebolusyonaryo a tignayan iti lugar. Saan a nagbalin a problema ti panag-armas iti adu a pasampa iti Hukbo ta kadawyan nga adda ti riple dagiti nailian a minorya iti lugar. Iti las-ud laeng ti makatawen ket dimanonon iti mano a platun ti simrek iti BHB manipud iti nasao a baryo.

Umuna a paset ti dekada 1980s a nabukel ti sangay ti Partido iti lokalidad idia y Ginamat. Daytoy ket bukuklen dagiti aktibista a masa,

tradisyunal a lider, agtengtengnga a puersa ken kabataan. Isuda ti nangidaulo iti trabaho a propaganda ken edukasyon iti baryo. Nangirussuat da met laeng kadagiti panagsanay iti yunit milisya.

Dagiti tignay masa kas kadagiti nairussuat a “bodong conference” ken ti naregta nga edukasyon masa, a ti awag dagiti residente ket “iskuling,” ti nagpataud iti paborable a kasasaad tapno mapapigsa ken maparegta ti rebolusyonaryo a tignayan masa ken armado a pannakidangadang laban iti dam. Gapu iti natibker a panagkaykaysa ti Hukbo ken umili, ken iti pursigido ken naregta a tignayan masa ken armado a pannakidangadang, inyatras ti diktadura a Marcos ti panangitakder ti Chico Dam 1-4 idi 1982.

Kas iti dadduma a sangay iti rehiyon ken intero a pagilian, nagsagrap kadagiti parikut ken pannubok ti Partido iti Ginamat kadagiti simmaruno a dekada. Iti tengnga na daytoy, nagtalinaed latta iti husto a dalan ti pannirigan ti Partido iti lugar.

Nagpabaro ti pigsa ti Partido iti Ginamat manipud 2009. Iti daytoy a panawene, nagandar manen dagiti naan-anay a timpuyog dagiti manalon, kababaihan ken kabataan. Manipud idi inggana iti agdama, nagtultuloy ti trabaho a konsolidasyon iti baryo babaen iti kampanya ti edukasyon. Naikkan ti talmeg ti panangpaturpos kadagiti kameng ti sangay iti Batayan a Kurso ti Parti-


do. Saan a nagbayag ket nabukel ti komite a subseksyon iti tipak a naipaunegan ti baryo Ginamat. Nagbalin a kameng ditoy dagiti kadre manipud iti lokalidad.

Iti panagpabaro ti pigsa ti Partido ken dagiti organisasyon masa, rimmegta manen dagiti tignayan masa. Nailanga manen dagiti plano iti agraryo a rebolusyon iti baryo a nagtalmeg iti panagpadur-as ti agrikultural a produksyon ti umili, kas iti panangpadakkel ti produksyon ti pagay.

Nalatak ti tuloy-tuloy ken panagabante ti antipasista a dangadang ti umili ti Ginamat. Natibker a sinango ti sangay ken dagiti organisasyon masa dagiti pasista nga atake ti kabusor iti baryo kas iti panangbutbuteng ken pananglipit kadagiti aktibista a masa. Tunggal sumrek dagiti tropa ti AFP iti baryo, napardas ti panagtignay dagiti residente tapno siguraduen a saan a bumayag ken dagus a mapapanaw dagitoy.

Apagserrek pay laeng dagiti tropa ti militar iti baryo ket dagus nga agpaayab ti pulong ti sangay tapno buklen dagiti addang. Ti mano a daras a panangpilit ti kabusor nga agrekrut ti CAFGU ken mangitakder ti detatsment ket nalappedan. Tuloy-tuloy a nangipatulod da kadagiti petisyon ken delegasyon tapno papanawen dagiti detatsment a naitakder kadagiti kabangibang a baryo.

Iti panangidaulo ti SPL kadagiti dangadang masa ken partisipasyon dagiti residente iti armado a pannakidangadang, ad-adda a mapatpatibker ti Partido ken ti bileg pampulitika ti umili iti baryo. Iti agdama ket nasurok 40 katao ti kameng ti SPL ken tuloy-tuloy da a mangikagkagumaan nga agpataud kadagiti pultaym a mannakigubat para iti Nalabaga a Hukbo. **AB**



18, ilegal nga inarestar idiyay Talaingod

Tiniliw ken napilaan ti parparbo a kaso a *kidnapping* ken *human trafficking* idiyay Tagum City idi Nobyembre 29 dagiti 18 a lider-masa ken aktibista nga indauloan ni dati a Bayan Muna Rep. Satur Ocampo ken ACT Teachers Party Rep. France Castro. Maysa aldaw sakbay na daytoy, sinerraan, ininteroga ken arbitrario nga inbalud dagiti elemento ti pulis, 56th IB ken ti Municipal Social Work and Development Office da Ocampo, Castro ken 77 a dadduma pay a delegado ti National Humanitarian Mission (NHM) ken dagiti bakwit a nagpaarayad kadakuada idiyay Talaingod, Davao del Norte.

Idi Nobyembre 28, naipadamag a pilit nga inkandado dagiti elemento ti paramilitar nga Alamara ti kampus ti Salugpongan Ta' Tanu Igkanugon Community Learning Center, Inc. (STTICLCI) idiyay Sityo Dulyan, Barangay Palma Gil. Pinangtaan met ti Alamara ken 56th IB dagiti residente ken nangipatungpal ti blokeyo iti makan. Gapu iti agtultuloy a pananglipit ti military, naiduron dagiti residente, estudyante ken manursuro nga agbakwit kabigatan na. Uray no saan a nakapangan ti pangmalem, nagna da iti las-ud ti tallo nga oras manipud iti komunidad tapno sabaten dagiti delegado ti NHM. Inyulat dagiti delegado a ti komboy da ket namindua a sinerraan ti 56th IB - idiyay Sityo Igang ti banda alas-8 ti rabii tapno agpirma da kano iti maysa nga "attendance sheet;" ken idiyay Sityo Upaw ti banda alas-9:20 ni sadino a napurwakan da iti bato, dua a daras a pinaputokan ti paltog ken inabutan ti pilid ti lugan babaen ti lansa.

Kalpasan na daytoy, banda alas-9:30, inpan ken inbalud ti 79 a delegado ken bakwit idiyay Talaingod Police Station. Karaman kadagiti naibalud ti 29 nga estudyante ken 12 a manursuro ti STTICLCI.

Iti kasilpo a damag, nagprotesta ti nadumaduma a progresibo a grupo iti sango ti Camp Crame idi Disyembre 3 ken idiyay Boy Scout Circle, Quezon City idi Nobyembre 30 tapno kundenaren ti ilegal a panang-arestar iti Talaingod 18 ken ipanawagan ti dagus a panangwayawaya kadakuada.

Temporaryo a winayaan ti Ta-

gum Regional Trial Court ti 18 idi Disyembre 1 kalpasan a nagbayad iti pyansa a P1.44 milyon (P80,000 kada maysa).

Kabayatanna, nagtultuloy ti panangranggas ti pasista a tropa kadagiti progresibo, dagiti pamilya ken tagasuporta da.

Idi Nobyembre 23, pinaltogan ti walo a saan a nabigbig a lallaki dagiti kameng ti Nagkahiusang Maguuma sa Agusan del Sur (NAMASUR) a da Datu Walter España, tagapangulo, Rommel Romon ken maysa pay a kadua da idiyay Sityo Cantaga, Barangay Lucac, San Francisco idi Nobyembre 23. Nati-ruan ni Romon ti tallo a bala a dagus a nakatayan na. Dagus a naipan ni España iti ospital ken adda pay laeng iti kritikal a kasasaad iti agdama gapu iti pannakatiro na iti barukong, buksit, saka ken siket. Bayat a nakalasad ti maysa a kadua da. Ti NAMASUR ket aktibo a sumuppiat iti panagpalawa kadagiti plantasyon ti *oil palm* ti Davao San Francisco Agricultural Venture Inc. Sakbay na daytoy, ni España ket immunan a nalipit ken nakaawat ti pangta iti biag.

Idi Nobyembre 27, pinaltogan ti dua a masuspetsa nga ahente ti 29th IB ni Linus Cubol, dati a dadda ti Kilusang Mayo Uno-Caraga ken rehiyunal a coordinator ti Anakpawis, iti sango ti tiendaan na idiyay Santiago, Agusan del Norte. Naglak-am ti lima a tama ti bala ti biktima a dagus a nakatayan na. Sakbay ti pasamak, awan sarday ti pananglipit ken panangpangta ti 29th IB kenni Cubol. Namin-ano a daras met laeng a nainteroga gapu iti

pannakilaok kadagiti aktibidad dagiti progresibo a grupo.

Malagip nga idi Nobyembre 27, opisyal nga inpablaak ni Rodrigo Duterte ti panangibulos iti maysa a "death squad" laban kano kadagiti kameng ken mangkayat nga agkameng iti Bagong Hukbong Bayan.

Kabayatanna, uppat a manursuro ti nadukot ken ilegal nga inbalud ti 51st ken 81st IB idiyay Lanao del Sur. Naduktalan idi Nobyembre 27 nga adda iti ima ti militar ti uppat a manursuro a boluntir ti Rural Missionaries of the Philippines-Northern Mindanao a dinukot dagiti tropa dagiti nasao a yunit idi agsap ti Nobyembre 12 bayat nga agisursuro iti eskuelaan ti Sityo Babalayan, Barangay Durongan, Tagoloan 2, Lanao del Sur. Naam-ammo dagiti biktima a da Tema Namati-dong, 28, Julius Torregosa, 30, Ariel Barluado, 22, ken Giovanni Solomon, 20.

Inkumpirma ni Cpl. Rico Ordaneza ti 103rd IBde a madama a naibalud ken maimbestigaran dagiti manursuro gapu ta nakita kano a kadua da ni Sultan Jamla, nga adda ti mandamyento de aresto para iti nadumaduma a kriminal a kaso. Sakbay na daytoy, nangiwaras dagiti soldado iti peke a damag a naipan ti biktima idiyay Marawi City tapno ulawen dagiti mangbirbirok iti biktima.

Kagiddan na daytoy, lima nga estudyante ti Mindanao Interfaith Services Foundation, Inc. (MISFI) ti tinortyur dagiti tropa ti 19th IB idi Nobyembre 18 idiyay Magpet, North Cotabato. Ininteroga dagiti soldado dagiti estudyante kasilpo iti lokasyon dagiti kameng ti MISFI, ken idi saan a nakasungbat ket dinanog, pilit a pinagparintumeng iti daga ken pinangtaan a patayen.

Uray dagiti kabagian dagiti progresibo ket saan a nailaksid iti pasismo, idi Nobyembre 24, tinortyur ti siyam a kameng ti 65th IB a nakabase idiyay Opol, Misamis

Oriental ti intero a pamilya ni Joseph Paborada. Ni Paborada ket tagapangulo ti Pangalansag, maysa a lokal nga organisasyon a Lumad ken kameng ti Kalumbay Regional Lumad Organization, organisasyon nga aktibo a mangsalsalaknib iti ansestral a daga.

Banda alas-9 ti rabii idi pilit a sinerrek dagiti soldado ti balay ni Paborada ken binugbog isuna ka-dua na ti asawa ken tallo a putot. Dua a daras met laeng a nangipaputok ti paltog ti maysa a soldado ken pinangtaan da Paborada ken ti maysa a putot na a pata-yen.

Idiay Compostela Valley, dua a daras a rinaut dagiti saan a nabigbig a lallaki ti pamilya ni Paul John Dizon, tagapangulo ti Nagkahiusang Mamumuo sa Suyapa Farms (NAMASUFA) idi Nobyembre 30. Nalapdan da ti umuna a panagatake idi alas-12 ti rabii no sadino a ginandat a puoran ti balay da. Nagsubli dagiti nasao a lallaki banda ala-1:30 ti agsapa ken pinalpaltogan ti balay. Madama a nakakampo dagiti kameng ti NAMASUFA idiay Maynila tapno labanan ti kontraktwalisasyon ken linteg militar idiay Mindanao. (*Basaan ti kasilpo nga artikulo iti pahina 8.*) AB

Maika-155 nga Aldaw ni Bonifacio, nirambakan

Iti panangiyun-una ti Kilusang Mayo Uno, nirambakan dagiti nailian-demokratiko a grupo ti maika-155 nga Aldaw ni Andres Bonifacio idi Nobyembre 30. Nagprotesta dagiti progresibo nga organisasyon ken sektor iti deppaar ti rangtay ti Mendiola idiay Maynila tapno kundenaren ti nakaro a kinaaso-aso ti rehimen a Duterte iti US ken China. Inpanawagan da met laeng ti dagus a pananggibus iti panangikuspil kadagiti demokratico a karbengan ken linteg militar idiay Mindanao.

Kalpasan daytoy, nagturing dagiti rallyista idiay Embahada ti US tapno suppiaten ti agtultuloy a pannakibiang ti imperyalista iti pagilian. Nagleppas ti programa iti panangpuor ti maysa nga *effigy* nga adda ti rupa ni Duterte a parparabawan ni US President Trump ken Chinese President Xi Jinping.

Kasilpo ditoy, nagprotesta dagiti progresibo a grupo manipud iti Southern Tagalog iti panangidaulo ti Pamantik-KMU idiay Crossing, Calamba, Laguna iti eksakto alas-4 ti malem.

Kagiddan a nirambakan dagiti balangay ti Anakbayan ti Aldaw ni Bonifacio ken ti maika-20 nga anibersaryo da. Iti panangiyun-una ti nasyunal nga opisina ti Anakbayan, naisayangkat ti dula a “Ang Naratibo ng Bayan ay Naratibo ng Digma” idiay UP Film Institute, UP Diliman ken

Polytechnic University of the Philippines. Inrussuat met dagiti balangay ti Anakbayan idiay Bicol, Cavite ken Cordillera dagiti taripnong ken panagtignay.

Kabayatanna, nangirussuat ti apagdarikmat a rali ti limed nga organisasyon a Kabataang Makabayan (KM)-Lucille Gypsy Zabala Brigade iti sango ti Far Eastern University idiay Maynila idi Nobyembre 29.

Nairussuat ti protesta kas pananglagip iti maika-54 a tawen nga anibersaryo ti KM ken dagiti kabataan a nangidaton ti biag para iti rebolusyon.

Inpanawagan da ti panangrippuog iti tiraniko a panagturay ti rehimen a US-Duterte ken panagsampa ti kabataan iti Bagong Hukbong bayan. Inrussuat ti Kabataang Makabayan idiay Cebu ti kapada a protesta. AB

Dagiti mannalon ti BTL, nagkampuhan

NASUROK MAKALAWASEN a nakakampo ti agarup 400 a mannalon ti Buffalo-Tamaraw-Limus (BTL) idiay Malaybalay City, Bukidnon. Nagrugi ti kampuhan idi Nobyembre 27 tapno irupir kenni Jose Ma. Zubiri, gobernador ti probinsya, nga iwarasen ti 517 nga ektarya a daga a tallo a dekadang a suksukayen da.

Segun iti dadaulo ti BTL, saan da a pumanaw iti lugar inggana a saan a sungsubangan ni Zubiri ti nabayag a panawagan da. Inrupir met ti grupo a gibusan ti harassment ken Red-tagging iti intar da. Papanawen da met laeng dagiti soldado a nakakampo kadagiti komunidad da.

Kabayatanna, nangirussuat ti maysa a misa ken nangitugkel ti kandila dagiti tao ti simbaan, tagasalaknib ti karbengan tao ken dagiti mannalon idiay Quiapo Church

idi Nobyembre 29 para kadagiti biktima ti masaker idiay Sagay, Negros Occidental.

Kasta met nga idi Disyembre 4, nagprotesta ti Bagong Alyansang Makabayan ken Anakpawis iti sango ti Department of Justice ken nangipila ti reklamo laban iti ama ti ubing a nakalasad iti masaker. Segun kadakuada, us-usaren ti pulis ken militar ti ama ti ubing laban kadagiti mangmanged-talon ken biktima.

Iti kasilpo a damag, nagprotesta dagiti kameng ti T’boli Manobo S’daf Claimants Organization iti sango ti kampo militar idiay Lake Sebu, South Cotabato kalpasan ti maysa a tawen a kinaawan ti hustisya manipud idi minasaker dagiti tropa ti AFP ti pito a kameng ti tribu da idi Disyembre 3, 2017. Maibilang kadagiti natay ket ti lider da a ni Datu Victor Danyan Sr.

Ranggas ken linteg militar idiy Mindanao, kinundenar

NAGPROTESTA ITI SANGO ti Department of National Defense, Camp Aguinaldo, Quezon City idi Disyembre 4 ti grupo iti panangidaulo ti BAYAN-Mindanao ken Barug Katungod tapno labanan ti agtultuloy a panagraira ti linteg militar iti isla nga agresresulta iti panaglabsing iti karbengan tao.

Kabayatanna, iti naiyaramid a National Clergy Convocation ti Iglesia Filipina Independiente idi Nobyembre 20, nairussuat ti maysa a panagkararag ken programa ti pannakikaykaysa para kadagiti bakwit a Manobo. Nangitugkel da ti kandila idiy UCCP Haran tapno ipanawagan ti pananggibus ti ranggas laban kadagiti Lumad.

Iti panangiyun-una met ti Artists for Human Rights (AHRT!), nairussuat ti CINERESBAK: Decades of Resistance Films idiy Cine Adarna, UP Diliman, maysa a programa ti panagpabuya kadagiti pelikula ti panaglabaan idi Disyembre 3.

Napasarunuan daytoy ti RAMPA! Red Carpet Walk laban iti Red-tagging ken dagiti atake iti umili. Nagpartisipar ditoy ti Samahan ng Manininda sa UP, dagiti mangmangged ti SUMIFRU, ni Mae Paner ken dadduma pay a personalidad.

Kagidaan met ti panangselebrar iti International Day for the Elimination of Violence against Women, nangirussuat ti protesta ti Gabriela-Bicol idi Nobyembre 25 idiy Plaza Oragon, Naga City. Bayat nga idi Nobyembre 29, nagprotesta ti Karapatan ken Gabriela iti sango ti Department of National Defense idiy Cubao, Quezon City. Daytoy ket kagiddan ti panangiselebrar iti International Women Human Rights Defenders' Day.

Iti pananglagip iti Maguindanao Massacre ken International Day to End Impunity idi Nobyembre 23, nagprotesta ti Anakbayan-Southern Tagalog idiy Crossing, Calamba, Laguna ken Freedom Park, Palapala, Dasmarias, Cavite. Kasta met a nangirussuat met ti protesta ken nagtugkel ti kandila ti College Editors Guild of the Philippines-Cebu ken Karapatan-Cebu idiy Metro Colon, Cebu.

Bayat nga idi Nobyembre 28, kas pananglagip iti makatawen a kinnaan hustisya iti panangpatay kada Elisa Badayos ti Karapatan-Negros Oriental ken Elioterio Moises ti Mantapi Farmers' Association idi naisayangkat ti Central Visayas Fact Finding Mission, nangirussuat da ti martsa iti sango ti Commission on Human Rights Region VII ken Metro Colon, Cebu. AB

Lawas ti PLGA, nilagip

NILAGIP ITATTA a Disyembre 2-10 ti Communist Party of India-Maoist (CPI-M) ti tinawen a Lawas ti People's Liberation Guerilla Army (PLGA). Mairussuat ti Lawas ti PLGA kas pananglagip iti tallo a kameng ti Komite Sentral ti CPI-Maoist – da Seelam Naresh, Nalla Adi Reddy ken Yerramreddy Santosh Reddy – a pinatay dagiti puersa ti reaksyonaryo nga estado ti India idi Disyembre 2, 1999.

Iti uneg daytoy a lawas, dagiti mannakigubat ti PLGA ket agirussuat kadagiti pulong masa ken rali kadagiti saklaw a komunidad. Gundaway met laeng daytoy tapno mapasapata dagiti baro a kameng ti Partido ken hukbong bayan. Iti sumagmamano a komunidad, mangitaktakder da kadagiti rebulto kas panangsaludo kadagiti martir da.

Mailatak iti panagrambak itatta a tawen dagiti balatengga a maisab-it iti kalsada a nangilaon kadagiti panawagan ti CPI-M.

Welga idiy Liwayway, balligi

NAIBALLIGI ti tallo a bulan a welga dagiti mangmangged ti Liwayway Marketing Inc. Workers' Union (LWU-ANGLO-KMU) idi Nobyembre 22 kalpasan a nagturong ti unyon ken management iti maysa a tulagan.

Napirmaan ti katulagan tapno maibubli ti nasurok 40 a mangmangged a naka-floating status iti trabaho. Maited met laeng kadakuada ti saan a nabayadan a sueldo iti panawen a nakawelga. Dagiti mangmangged ti Liwayway ti agar-aramid kadagiti produkto ti Oishi a saramsam.

Kabayatanna, nagballigi met dagiti mangmangged ti SMT Philippines kalpasan ti 55 nga aldaw a protesta laban iti ilegal a panangiserra ti kumpanya ken blokeyo ti makan idiy piket da.

Naala da ti umno a kompensasyon ken separation pay. Naikkan da met laeng kadagiti tulong ken benepisyo kalpasan ti dua a dekada a panagtrabaho iti kumpanya.

Kampuhan ti mangmangged ti Sumifru idiy Mendiola

NASUROK 300 A MANGMANGGED ti Sumitomo Fruits Corporation wenno Sumifru ti nangitakder ti kampuhan idiy Mendiola, Manila idi Nobyembre 27. Nagturong dagiti mangmangged idiy Metro Manila tapno palataken ti kampanya laban iti kontraktwalisasyon ken kiddaw iti kumpanya a bigbigen ti unyon da para iti kolektibo a negosasyon.

Nangirussuat da met laeng ti protesta iti sango ti Department of Labor and Employment idiy Intramuros, Manila idi Nobyembre 29 laban iti panangiruar ni Sec. Silvestre Bello III ti Assumption of Jurisdiction iti naisayangkat a piket idiy Compostela Valley a nangiduron iti naranggas a dispersal ditoy. Kinundenar met laeng ti naranggas a panangpatay ti estado iti dua nga unyonista a nakilaok iti welga.

Kabayatanna, nagayus ti suporta ken pannakikaykaysa kadakuada manipud iti Workers Advocates for Human Rights Network (WARN), University of the Philippines ken University of Sto. Tomas.